

Broj: 06-03-188-01/3/16
Mostar, 26.02.2016. godine

Na osnovu člana 21. stav (1) tačka 9), člana 37., člana 84. stav (3) i člana 87. stav (2) i člana 88. stav (1) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 44. i člana 49. stav (2) Pravilnika za izdavanje dozvola („Službene novine Federacije BiH“ broj 43/14), postupajući po Zahtjevu za oduzimanje dozvole za rad broj 06-03-188/3/16 od 10.02.2016. godine podnosioca zahtjeva Repower Adria d.o.o. iz Sarajeva, Regulatorna komisija za energiju u Federaciji Bosne i Hercegovine – FERK je 26.02.2016. godine na III. redovnoj sjednici donijela sljedeće

RJEŠENJE
o oduzimanju dozvole

1. Imaocu dozvole Repower Adria d.o.o. iz Sarajeva, Fra Anđela Zvizdovića 1, Sarajevo oduzima se Dozvola za rad - licenca za obavljanje elektroprivredne djelatnosti snabdijevanja električnom energijom drugog reda broj 06-03-751/25/11, izdata 30.11.2011. godine, sa periodom važenja od 22.01.2012. godine do 21.01.2017. godine.
2. Ovo rješenje je konačno i stupa na snagu danom donošenja, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
3. Stupanjem na snagu ovog rješenja prestaje važiti Rješenje broj 06-03-751-09/25/11 od 30.11.2011. godine, kojim je izdata Dozvola za rad - licenca za obavljanje elektroprivredne djelatnosti snabdijevanja električnom energijom drugog reda broj 06-03-751/25/11.

O b r a z l o ž e n j e

Članom 21. stav (1) tačka 9) Zakona o električnoj energiji u Federaciji Bosne i Hercegovine propisano je da je nadležnost FERK-a izdavanje, obnova, prenos ili oduzimanje dozvola za proizvodnju, distribuciju, snabdijevanje, trgovinu električne energije i operatora za obnovljive izvore energije i kogeneraciju. Članom 87. stav (2) istog zakona propisano da FERK izdaje, obnavlja, prenosi ili oduzima dozvole za rad u skladu sa procedurama propisanim posebnim aktima FERK-a, poštujući načela hitnosti postupka, a članom 88. stav (1) zakona da se zahtjev za izdavanje, obnovu, izmjenu, dopunu ili prenos dozvole za rad podnosi FERK-u.

Članom 44. Pravilnika za izdavanje dozvola propisano je da se postupak obnove, izmjene i dopune, prenosa i oduzimanja dozvole za rad može pokrenuti na zahtjev imaoca dozvole i na vlastitu inicijativu FERK-a, dok je članom 48. stav (1) tačka b) istog pravilnika propisano da će FERK oduzeti dozvolu za rad ukoliko imalac dozvole odluči ne obavljati

Regulatorna komisija za energiju u Federaciji Bosne i Hercegovine – FERK
Blajburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

Id.br.: 4227378050005 ; Porezni br.: 17004752; Transakcijski račun [KM]: 1401011020000526;
devizni račun: 1401011200432651, kod Sberbank BH d.d. Sarajevo

elektroprivrednu djelatnost za koju je izdata dozvola za rad. Takođe, članom 49. stav (2) ovog pravilnika propisano je da ukoliko su u zahtjevu za pokretanje postupka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu bez objave obavještenja za javnost o podnesenom zahtjevu i bez održavanja javne rasprave.

FERK je 10.02.2016. godine primio od podnosioca Repower Adria d.o.o. iz Sarajeva, Zahtjev za oduzimanje dozvole za rad broj 06-03-188/3/16 od 10.02.2016. godine, a koji se odnosi na Dozvolu za rad - licence za obavljanje elektroprivredne djelatnosti snabdijevanja električnom energijom drugog reda broj 06-03-751/25/11 od 30.11.2011. godine, koju je FERK izdao Rješenjem broj 06-03-751-09/25/11 od 30.11.2011. godine.

Uz svoj zahtjev, podnesen na propisanom obrascu, podnosilac zahtjeva je priložio:

- Izjavu o tačnosti dostavljenih podataka
- Odluku o prestanku rada društva – likvidaciji od 25.01.2016. godine
- Elektronski nalog za plaćanje na iznos 1.000, 00 KM.

Polazeći od prava podnosioca zahtjeva, kao imaoca dozvole zahtjevati od FERK-a oduzimanje izdate mu dozvole za rad uslijed njegove odluke da ne obavlja elektroprivrednu djelatnost za koju mu je izdata dozvola za rad, u skladu sa odredbom člana 48. stav (1) tačka b) Pravilnika za izdavanje dozvola, FERK je izvršio pregled primljenog zahtjeva i priložene dokumentacije. S obzirom da su uz zahtjev za oduzimanje dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da je podnosilac zahtjeva odlučio ne obavljati elektroprivrednu djelatnost za koju je izdata dozvola za rad, FERK je utvrdio da su ispunjeni uslovi za primjenu odredbe člana 49. stav (2) Pravilnika za izdavanje dozvola. Pri tome je FERK imao u vidu i činjenicu da je podnosilac zahtjeva postupao u skladu sa uslovima dozvole za rad.

Na osnovu provedenog postupka oduzimanja Dozvole za rad - licence za obavljanje elektroprivredne djelatnosti snabdijevanja električnom energijom drugog reda broj 06-03-751/25/11, koju je FERK izdao 30.11.2011. godine podnosiocu zahtjeva Repower Adria d.o.o. iz Sarajeva, analize Zahtjeva za oduzimanje dozvole za rad broj 06-03-188/3/16 od 10.02.2016. godine i dokumentacije priložene uz isti, utvrđeno je da se zahtjevu Repower Adria d.o.o. iz Sarajeva može udovoljiti, te je u skladu sa članom 21. stav (1) tačka 9) i članom 87. stav (2) Zakona o električnoj energiji u Federaciji Bosne i Hercegovine, a u vezi sa članom 48. i 49. Pravilnika za izdavanje dozvola, odlučeno kao u dispozitivu rješenja.

POUKA O PRAVNOM LIJEKU:

Protiv ovog rješenja Repower Adria d.o.o. iz Sarajeva, može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić